



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad
Dominicam Septuagesimæ

Haineuve, Julien

Coloniæ Agrippinæ, 1665

Sicut Liliū inter spinas, &c. Quod sis tanquam spina natus, potest
quidem Beata Virgo compati; sed quòd modò tanquam spina vivas inter
lilia, non potest pati.

urn:nbn:de:hbz:466:1-44194

qui hoc etiam Deo placet, ut quam in se amat puritatem, in nobis amet, & quam in se odit impuritatem, in nobis oderit. Ergo illa quod in se ipsa, hoc in nobis amat & odit. Non eodem quidem in gradu puritatem amat in nobis atque in se, quia non idem gradus saltem positivus in nobis, Deo placet, sicut in illa; sed quam videt placere Deo in nobis puritatem, certe sic illa vellet & sic amat, sicut suo modo suam amat. Quid quid sit autem de positivo puritatis gradu, cum certum sit, de negativo nullum Impuritatis a-

sum & gradum voluntarium placere Deo in nobis, sic profecto illa omnem impuritatem in nobis odit, & tam vehementer odit quam in se oderat, & quam videt placere Deo, ut in nobis oderit & detestetur.

Jam vero quale est illud odium quod in se impuritatem odit? aut quale est illud quod de nobis in Deo videt cogita, recogita vehementer, ut sentias in te, quod ipsa detestetur: *Quasi Libanus non incensus vapor aui habitationem meam.* Eccles. 24.

AD ILLA CANTICORVM VERBA.

Sicut lilium inter spinas, sic Amica mea inter filias. Cant. 2.

VERITAS PRACTICA.

Quod sis tanquam spina natus, potest quidem Beata Virgo compati: Sed quod modo tanquam spina vivas inter lilia, non potest pati.

SENSVS *infra commodius declarabitur.*

RATIO *quoad postremam partem qua sola probatione indiget, hac est, quod Beata Virgo non sic potest lubens volensque pati, seu ferre tuas culpas, quin eas improbet & omni modo insectetur.*

Sed quod modo, tanquam spina vivas inter lilia, tua unius culpa est.

Ergo id illa non potest pati.

IMPRIMIS explicandum est quomodo in sua Conceptione Beatissima Virgo fuerit sicut Lilium inter spinas; id est qua differentia lilium a spinis differt, sic Beata Virgo a reliquis hominibus. Triplex autem notari potest differentia.

Prima, quod lilium sit aspectu pulchrum & jucundum, spinæ autem deformes strigosæ, & nullo modo gratæ. Sic Beata Virgo dum est concepta in Gratia, tota gratiosa, tota pulchra, & sine macula fuit in oculis Dei. Cæteri vero infantes dum in peccato concipiuntur, & maneat, filij sunt iræ, sunt inquinati culpa quam vocant originali, & nullo modo grati.

Deinde lilium leve est, politum & suave tactu: Spinæ vero asperæ, aculeatæ & vix tractabiles. Sic Beata Virgo tota suavis est sine ullo carnis stimulo, sine ullo peccati fomite; Cæteri autem cum Apostolo ingemiscunt & dicunt, *Do-*

rus est mihi stimulus carnis mea. VIDEO aliam legem in membris meis, repugnantem legi mensis mea.

Denique lilium expansis in cælum foliis sursum erigitur, & recto consistit situ: Spinæ autem deorsum repunt & in terram totæ incurvantur. Sic immaculata Virgo nulli humanæ obnoxia corruptelæ, non in terra figit suas curas & cogitationes, sed in cælum, cœlestesque motus tanta facilitate fertur cum sua Gratia, quanta nos inde avocatur. Overè lilium inter spinas, o verè pulchra & suavis, & electa inter omnes, sine te tangi nostris miseris, moveat te miseranda nostra conditio. Compatietur illa quidem nostris humanis & naturalibus miseris, quibus ex aliena potius culpa subjaemus quam nostrâ, sed quod nostra culpa sumus miseri, non hoc provocat cœlestem misericordiam, sed iram excitat.

HOC est quod continet proposita Veritas, hoc est tanquam spinam nasci, nasci cum illis defectibus qui discernunt spinas a lilio; Et quod quidem ita sis natus, tibi compatitur: Sed quod modò tanquam spina vivas inter lilia, modò cum possis in Christo tuis resistere naturalibus concupiscentiis, sic tamen illis cedas, quasi non esset Christus: tua est culpa, tua est malitia, Quod autem sic tua culpa sit, non potest æquo pati animo, cum præsertim inter Eos vivas qui velut lilia, cœlesti puritate nitent, & quid possis cum Gratia, suo te doceat exemplo, suo comitetur præsidio.

O quantum tu te ipse distungis à Virgine! Hæc facta est lilium inter spinas, & tu inter lilia, te ultro spinam facis: *Florete flores quasi lilium, & date odorem, & frondete in gratiam.* Ecclesi. 39.